

Faasoa Faamatalaga a le Tamaititi Child Information Sharing




Samoaan | Gagana Samoa

Aisea e te mana'o ai e faasoa o'u faamatalaga?

Tausiga o fanau a Vitoria

Ina ia fesoasoani i fanau uma a Vitoria ia ola i se olaga saogalemu ma le fiafia, ua faaleleia nei e le Malo o Vitoria auuala e faasoa ai faamatalaga e tagata atamamai faapitoa o loo galulue ma tamaiti.

O le tele o 'auaunaga ua uma ona faasoa faamatalaga. Ua faafaigofie e le Polokalame o le Faasoa Faamatalaga a le Tamaititi (Child Information Sharing Scheme [CISS]) i nei tagata atamamai e vaai i le ata atoa o le tamaititi o loo latou galulue faatasi, ia fesoasoani ia latou malamalama i mea e mafai ona latou faasoa, ma faapefea ona puipuia tulaga faalilolilo o se aiga.



E to'atele tamaiti o le a mana'omia se lagolago i nisi o laasaga o latou olaga. Mai le taimi na fanau mai ai, sei oo i le atoa ai le 18, e fesoasoani le vaega o le Toefuataiina o le Faasoa Faamatalaga a le Tamaititi mo tamaiti ma o latou aiga ina ia maua lagolago lelei mai tagata atamamai ma faalapotopotoga.

E faapefea ona fesoasoani i aiga?

E faapefea ona fesoasoani i tagata atamamai?

O le Faasoa o Faamatalaga a le Tamaititi e mafaia ai e le au polofesa o e o loo lagolagoina ma vaaia tamaiti (e pei o faia'oga ma tausii soifua) e faasoa lo latou iloa e faatatau i se tamaititi, a'o ofoina atu fo'i ta'i'ala i mea e faasoa, ma pe faapefea ona puipuia le tulaga faalilolilo o se aiga.

Fa'ata'ita'iga:



O Taj faato'a sui lana a'oga. O lana faia'oga fou, Sina, na maitauina e musuā e tautala i le vasega, ma e iai le faafitauli i le faiga o ana mea'a'oga. E ala i le talosaga mo faamatalaga mai le a'oga muamua a Taj, na iloa ai e Sina e maua o ia i le dyslexia lea e ala ai ona musuā e auai i vasega.

O se faata'ita'iga o faamatalaga e mafai ona faasoa e ala i le Faasoa o Faamatalaga a Tamaiti, e pei ona faataga ai le faia'oga a Taj e saunia ni lesona e fetauti ma mana'oga o Taj.

O ai o loo e faasoa iai? E faapefea ona faaaoga?

O le ituaiga o faamatalaga e faasoa

O soo se faamatalaga e lagolago ai le soifua manuia poo le saogalemu o tamaiti e mafai ona faasoa. O nei faamatalaga e pei o lagolago faapitoa o loo maua e le tamaititi, poo le malamalama e faatatau i faiā faaleaiga.

O le mea e faaaoga ai le faamatalaga

la mautinoa e te le faamatalaina faalua lau tala

Aofia ai tagata sa'o e mafai ona fesoasoani

Vaiga o le ata atoa

Fesoasoani i le tuputupua'e o fanau

O ai e mafai ona faasoa ma maua faamatalaga?

Ua na'o tagata faapitoa ua iai le faatagana e faasoa faamatalaga – e le o tagata uma. O tagata nei o polofesa o le latou tiute le tausia ma le puipuia o tamaiti, e pei o faia'oga, foma'i, tagata faigaluega i le lautele, ma faufautua, tausi soifua ma leoleo.

Fa'ata'ita'iga:

O Lisa o se tausi soifua sa galulue ma Alice, ma lana tama teine e lima tausaga le matua, o Jasmine, o loo iai tulaga tau aafia o le fatu. I le amata ai o le a'oga tulaga muamua a Jasmine, e talanoa Lisa ma Alice, ma sailia ona manatu i le faasoaina ai lea o faamatalaga e uiga i le tulaga o Jasmine i le tausi soifua a lana a'oga, ina ia faamautinoa o loo latou iloa ona mana'oga. Ua iloa e Lisa manatu o Alice muamua ae le i faasoaina le faamatalaga.

O se faata'ita'iga leni o le mafai ai e se tagata atamai ona filifili e faasoa faamatalaga, ma poo ai e mafai ona latou faasoa atu iai.



O le a le taimi e mafai ona faasoa ai faamatalaga?

E le mafai ona faasoa faamatalaga se'i vagana:

1

O le a faaogaina e faaleleia ai le soifua manuia poo le saogalemu o le tamaititi (poo se vaega o tamaiti).

2

O le Faasoaina o le a fesoasoani i le tuuina atu o auaunaga, faia fuafuaga poo le su'esu'eina poo le puleaina o lamatiaga i tamaiti.

3

O le a lē lamatia ai soo se tasi, e faasa faaetulafono pe lē aofia ai i lalo o tulafono.

Mo le lisi atoa o tulaga e tatau ona faamalieina ae le i mafai ona faasoa faamatalaga, asiasi i le www.infosharing.vic.gov.au

E faapefea ona faasoa faamatalaga?

E mafai e faalapotopotoga ua lesitala faaetulafono ma tagata atamamai ona talosaga mo faamatalaga pe filifili e faasoa.

Teuina o faamatalaga ia faalilolilo ma malupuipua

O le isi vaega o le puipuiina o tamaiti o le faamautinoaina foi o loo saogalemu ma malupuipua o latou faamatalaga. E lagolago e le Faasoaina o Faamatalaga a le Tamaititi tulafono faalilolilo o iai i le taimi nei i le ta'u atu lea i tagata atamamai le taimi e mafai ai ona latou faasoa faamatalaga i lalo o na tulafono. O se solitulafono le faasoaina atu o faamatalaga faalilolilo ae lē o manaomia. I se faaopoopoga, o faamatalaga uma e tatau ona teuina ma malupuipua e faalapotopotoga ta'itasi. E tuuina atu a'oa'oga i le afaigaluega faamaonia, ina ia latou silafia o latou matafaioi.

Fa'ata'ita'iga:

O Andy o se tagata faigaluega lagolago mo le lautele na ia maua se talosaga mai le tagata ofisa o lesitala o se a'oga maualuga ia faasoa faamatalaga e faatatau ia Lee. Na lagolago e Andy le aiga o Lee i sina taimi na leai ai se latou fale. Ina ua uma ona feutaga'i ma Lee ma lona aiga, e le faasoaina e Andy faamatalaga e faatatau i le tulaga o loo iai le mea e nonofo ai, ona e manatu ia e ono faaoga lea mea e taofia mai ai le lesitala o Lee i le a'oga.

O se faata'ita'iga lea o le lē mafai ona faasoaina e polofesa o faamatalaga - o le tagata ofisa o le lesitala e le o se polofesa ua faatagaina, ma o faamatalaga e le o faaogaina e lagolago ai le soifua manuia poo le saogalemu o Lee poo lona aiga.

Faaseā

Afai o e popole i faamatalaga na ono faasoā i se auala e le faatagaina, e iai lou aiā e fai ai ni ou manatu ma fai se faaseā.

A faia se faaseā i le taimi muamua, talanoa i le faalapotopotoga na faasoaina faamatalaga. O faalapotopotoga uma e tatau ona iai a latou faiga e tali atu ai i faaseā.



Afai e te lē malie i le le'i fo'ia o le faafitauli, e ono mafai ona ave le faaseā i:

Ofisa o le Komesina o Faamatalaga a Vitoria pe afai o le faaseā e faatatau i faamatalaga patino

Upega tafa'ilagi: ovic.vic.gov.au / Telefoni: 1300 666 444

Komesina o Faaseā o le Soifua Maloloina pe afai o le faaseā e faatatau i faamatalaga o le soifua maloloina

Upega tafa'ilagi: hcc.vic.gov.au / Telefoni: 1300 582 113

Afai e te mana'o i nisi faamatalaga e faatatau i Polokalame o le Faasoaina o Faamatalaga a tamaiti, e mafai ona e:

Vili mai matou: 1800 549 646

Tusi mai ia matou: CISandFVIS@education.vic.gov.au

Asiasi i le upega tafa'ilagi: vic.gov.au/child-information-sharing-scheme